

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**MINISTARSTVO ZA POLJOPRIVREDU,**  
**ŠUMARSTVO I VODOPRIVREDU**

***PROGRAM***  
*utroška sredstava Budžeta Zeničko-dobojskog kantona*  
*za poticaje u poljoprivredi za 2021. godinu*

Zenica, maj 2021. godine

**PROGRAM**  
**utroška sredstava Budžeta Zeničko-dobojskog kantona**  
**za poticaje u poljoprivredi za 2021. godinu**

**Opći podaci o Programu**

1. Program je usvojen: Na \_\_\_ sjednici Vlade Zeničko-dobojskog kantona održanoj \_\_\_\_\_ 2021. godine.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2021. godine. U ovom periodu izvršit će se i isplata podrški za proizvodnje koje su započete u 2020. godini, a završene u 2021. godini.
3. Ukupna vrijednost Programa: 3.000.000,00 KM
4. Namjena Programa: Podrška primarnoj animalnoj i biljnoj proizvodnji, prerađivačima i otkupljivačima, te kapitalnim ulaganjima u poljoprivredi.
5. Korisnici Programa: Poljoprivredni proizvođači, zadruge, udruženja poljoprivrednika, otkupljivači i prerađivači prehrambenih proizvoda.
6. Izvor sredstava: Budžet Zeničko-dobojskog kantona za 2021. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i Zakon o izvršavanju Budžeta Zeničko- dobojskog kantona za 2021. godinu ("Službene novine Zeničko-dobojskog kantona", broj: 7/21)
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Mirsad Hadžić, ministar

## UVOD

Programom utroška sredstava Budžeta Zeničko-dobojskog kantona za poticaje u poljoprivredi za 2021. godinu određuje se godišnji iznos sredstava novčanih podrški, vrste mjera i raspodjela sredstava po mjerama, te opći i posebni kriteriji za njihovo ostvarivanje. Kod izrade Programa utroška sredstava Budžeta Zeničko-dobojskog kantona za poticaje u poljoprivredi za 2021. godinu (u daljem tekstu: Program) vodilo se računa o:

- a) Zakona o poljoprivredi („Službene novine Federacije BiH“, broj: 88/07, 4/10, 27/12 i 7/13);
- b) Zakona o novčanim podrškama u poljoprivredi i ruralnom razvoju („Službene novine Federacije BiH“, broj: 42/10 i 99/19), (u daljem tekstu: Zakona o novčanim podrškama);
- c) Strategiji razvoja Zeničko-dobojskog kantona 2021.-2027. godina („Službene novine Zeničko-dobojskog kantona“, broj: 3/21)
- d) Zakonu o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21)

Po Programu za 2021. godinu opredijeljena su sredstva za poticaje u poljoprivredi u ukupnom iznosu od 3.000.000,00 KM.

U izradi Programa za 2021. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Mjere Strategije razvoja Zeničko-dobojskog kantona za period 2021.-2027.godina,
- Kontinuitet poticajnih mjera,
- Analize realizacije podrški u proteklom periodu,
- Mogućnosti plasmana poticajnih proizvodnji,
- Sinhronizacija sa federalnim podrškama,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije.

## I POGLAVLJE - CILJEVI I SVRHA PROGRAMA

### 1. CILJEVI PROGRAMA

U Programu poticaja za 2021. godinu realizovat će se prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju sljedećih ciljeva:

- a. Unaprjeđenje poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inozemnom tržištu
- b. Uspješnije uvođenje novih tehnologija
- c. Uvezivanje primarnih poljoprivrednih proizvođača sa prerađivačima (prehrambenom industrijom) u Zeničko-dobojskom kantonu
- d. Povećanje otkupa poljoprivrednih proizvoda sa područja Zeničko-dobojskog kantona
- e. Očuvanje stočnog fonda i zaštićenih pasmina životinja
- f. Povećanje nivoa korištenja poljoprivrednog zemljišta i šira primjena agrotehničkih mjera u obradi zemljišta
- g. Povećanje nivoa korištenja ukupno raspoloživih resursa za poljoprivrednu proizvodnju
- h. Povećanje upošljavanja u primarnoj poljoprivrednoj proizvodnji i prehrambenoj industriji
- i. Povećanje finansijskih ulaganja u primarnu poljoprivrednu proizvodnju, a posebno u prehrambenu industriju
- j. Osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača

## 2. SVRHA PROGRAMA

Svrha Programa je nastaviti podršku prioritarnim mjerama u okviru raspoloživog budžeta, kako bi se osigurala kontinuirana isplata poticaja proizvodnji i plaćanja u sklopu mjera strukturne politike za 2021. godinu. Direktnim podrškama, kao i strukturnim mjerama, želi se osigurati dugotrajna održivost poljoprivrednih gazdinstava koja obavljaju poljoprivrednu djelatnost u biljnoj i animalnoj proizvodnji. Pored modela poticanja proizvodnji, u Programu poticaja su zastupljeni i drugi modeli novčanih podrški iz Zakona o novčanim podrškama.

### A/ Podrška poljoprivrednoj proizvodnji

#### A/1 Animalna proizvodnja

- Podrška za uzgoj brojlera
- Podrška za držanje koka nosilja
- Podrška za registrovane farme goveda
- Podrška za registrovanu ovčarsku ili kozarsku proizvodnju
- Podrška za registrovanu svinjogojsku proizvodnju
- Podrška za registrovani uzgoj izvornih i zaštićenih pasmina životinja

#### A/2 Biljna proizvodnja

- Podrška za poljoprivrednu proizvodnju u plastenicima i staklenicima
- Podrška za proizvodnju maline i kupine (konvencionalna proizvodnja)
- Podrška za proizvodnju krastavca-kornišona
- Podrška za zasnivanje novih zasada jagodičastog voća
- Podrška za zasnivanje zasada koštičavog, jabučastog i jezgrastog voća

#### A/3 Organska proizvodnja

- Podrška za registrovanu organsku poljoprivrednu proizvodnju

### B/ Podrška otkupljivačima/prerađivačima

- Podrška otkupljivačima/prerađivačima mlijeka
- Podrška otkupljivačima/prerađivačima pilećeg mesa
- Podrška otkupljivačima za otkup svježeg povrća i voća
- Podrška otkupljivačima ljekovitog bilja
- Podrška organizatorima otkupa jagodičastog voća
- Podrška otkupljivačima bobičastog voća i nekultivisanih gljiva

### C/ Podrška kapitalnim ulaganjima

- Podrška za nabavku mehanizacije za poljoprivredu
- Podrška za nabavku plastenika
- Podrška za nabavku protivgradne mreže

### D/ Ostale vrste podrški

- Podrška projektima iz oblasti pčelarstva
- Finansiranje sajmova i izložbi
- Nerealizovani zahtjevi iz prethodnog perioda i pomoć u posebnim okolnostima

## II KRITERIJI ZA RASPODJELU SREDSTAVA

Odobrena finansijska sredstva iz Budžeta Zeničko-dobojskog kantona za 2021. godinu pod stavkom „Subvencije za podsticaj razvoja u poljoprivrednoj proizvodnji“ opredjelit će se fizičkim i pravnim licima (u daljem tekstu: Korisnici), prema općim i posebnim kriterijima.

### 1. OPĆI KRITERIJ

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili koji poljoprivrednu djelatnost obavljaju na teritoriji Zeničko-dobojskog kantona, ako to ovim Programom ili Uputstvom nije drugačije propisano,
- korisnici koji imaju stalno mjesto prebivališta, odnosno pravna lica koja imaju sjedište ili poslovnu jedinicu sa sjedištem na području Zeničko-dobojskog kantona,
- korisnici upisani u registar gazdinstava/klijenata kao nosioci,
- korisnici koji su izmirili svoja poreska i druga dugovanja prema Zeničko-dobojskom kantonu,
- korisnici koji pored općih kriterija ispunjavaju i posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2021. godini (u daljem tekstu: Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona.

### 2. POSEBNI KRITERIJI

#### A/ MODEL POTICAJA PROIZVODNJI

##### A/1 Animalna proizvodnja

1. **Podrška za uzgoj brojlera** – Podržava se proizvodnja brojlera do 0,08 KM/brojleru, proizvođačima koji su registrovali djelatnost za tu proizvodnju i koji u vlastitim ili zakupljenim objektima utove najmanje 5.000 brojlera u turnusu, te imaju zaključen ugovor o kooperaciji sa subjektom registrovanim za preradu ili otkup brojlera, ukoliko ispunjavaju i druge kriterije koji će biti propisani Uputstvom. Maksimalan iznos podrške po jednom subjektu je 20.000,00 KM. Konačan iznos podrške po jednom brojleru bit će utvrđen nakon sublimiranja ukupne količine brojlera koji će biti predmetom podrške.  
Cilj: zadržati dostignuti nivo proizvodnje, odnosno zadržati u proizvodnji isti broj farmi sa tendencijom povećanja produktivnosti.
2. **Podrška za držanje koka nosilja** – Podržava se držanje koka nosilja za farme koje posluju u okviru registrovane djelatnosti sa useljenim 18-nedjeljnim pilenkama lake linije u visini 1,00 KM/pilenki. Maksimalan iznos podrške po jednom subjektu je 20.000,00 KM. Proizvodnja se može obavljati u vlastitom ili zakupljenom objektu na području Zeničko-dobojskog kantona. Minimalan broj koka nosilja koji se podržava je 1.500, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo proizvodnje.

3. **Podrška za registrovane farme goveda** – Podržavaju se farme muznih grla koje su registrovane kao obrti sa osnovnom djelatnošću prema Zakonu o obrtu i srodnim djelatnostima i koje imaju minimalno 8 muznih grla u kategoriji krave u laktaciji, u vrijeme podnošenja zahtjeva. Iznos podrške je do 400,00 KM/grlu, do maksimalno 10.000,00 KM po jednom subjektu. Farme moraju biti na teritoriji Zeničko-dobojskog kantona, te ispunjavati i druge kriterije koji će biti propisani Uputstvom.  
Cilj: zadržati dostignuti nivo proizvodnje.
4. **Podrška za registrovanu ovčarsku ili kozarsku proizvodnju** – Podržavaju se registrovane ovčarske ili kozarske proizvodnje koje su registrovane kao obrti sa osnovnom djelatnošću prema Zakonu o obrtu i srodnim djelatnostima i koje imaju minimalno 200 grla ovaca, odnosno 50 grla koza, prema izvodu iz Evidencije Agromediterranskog zavoda u Mostaru, zaključno sa 31.12.2020. godine. Iznos podrške je do 3.000,00 KM po registrovanom obrtu.
5. **Podrška za registrovanu svinjogojsku proizvodnju** – Podržava se svinjogojska proizvodnja za one proizvođače koji su registrovani kao obrti sa osnovnom djelatnošću prema Zakonu o obrtu i srodnim djelatnostima i koji imaju minimalno 20 tovljenika u jednom turnusu ili 10 rasplodnih krmača u uzgoju. Iznos podrške je 2.000,00 KM po registrovanom obrtu.  
Cilj: zadržati dostignuti nivo proizvodnje.
6. **Podrška za registrovani uzgoj izvornih i zaštićenih pasmina životinja** – Podržavaju se fizička i pravna lica, registrovani uzgajivači izvornih i zaštićenih pasmina životinja (bosanski brdski konj, domaća buša, domaći magarac i pas tornjak) u čistoj krvi, koji svoju proizvodnju obavljaju u registrovanim ergelama, farmama i uzgajivačnicama na području Zeničko-dobojskog kantona. Iznos podrške je do 1.500,00 KM po jednom subjektu ukoliko su ispunjeni i drugi kriteriji koji će biti propisani Uputstvom.  
Cilj: Sačuvati, unaprijediti tradiciju i baštinu uzgoja autohtonih pasmina životinja na području Zeničko-dobojskog kantona

#### A/2 Biljna proizvodnja

7. **Podrška za poljoprivrednu proizvodnju u plastenicima i staklenicima** – Podržavaju se poljoprivredni proizvođači koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima, u iznosu do 5,00 KM/m<sup>2</sup> plastenika, a proizvodnju organizuju u plastenicima i/ili staklenicima minimalne površine 500 m<sup>2</sup>. Maksimalan iznos podrške po jednom subjektu je 7.000,00 KM ukoliko su ispunjeni i drugi kriteriji koji će biti propisani Uputstvom.  
Cilj: povećati površinu pod plasteničkom proizvodnjom i povećati broj uposlenih.
8. **Podrška za proizvodnju maline i kupine** (konvencionalna proizvodnja) – Podržava se proizvodnja maline i kupine sa iznosom 0,40 KM/kg za pravna lica i obrte, a iznos podrške za fizička lica iznosi do 0,30 KM/kg u zavisnosti od broja prispjelih zahtjeva kod proizvođača koji predaju otkuplivaču/prerađivaču minimalno 700 kg maline i kupine. Konačan iznos podrške po jednom kg za fizička lica bit će određen nakon sumiranja prijavljene količine maline, kupine koja će biti predmetom podrške.  
Cilj: povećati broj komercijalnih proizvođača koji imaju registrovani obrt.

9. **Podrška za proizvodnju krastavca-kornišona** – Podržava se proizvodnja krastavca-kornišona sa iznosom do 0,10 KM/kg za fizička lica i iznosom od 0,40 KM/kg do maksimalno 3.000,00 KM za proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima, kod proizvođača koji proizvedu krastavac kornišon na parceli površine minimalno od 0,1 ha do maksimum 0,5 ha i kojeg predaju otkuplivaču/prerađivaču čije je sjedište na području Zeničko-dobojskog kantona, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo proizvodnje uz povećanje produktivnosti, odnosno povećanje broja proizvođača koji imaju registrovani obrt.
10. **Podrška za zasnivanje novih zasada jagodičastog voća** (malina, kupina, ribizla, borovnica, brusnica, aronija i ogrozd) – Podržava se zasnivanje novih zasada jagodičastog voća na površini od 0,1 ha do 1 ha, sa iznosom do 600,00 KM/dunumu, u zavisnosti od broja prispjelih zahtjeva, ukoliko su ispunjeni i drugi kriteriji koji će biti propisani Uputstvom.  
Cilj: sačuvati postojeći nivo podizanja zasada jagodičastog voća sa namjerom obnavljanja postojećih zasada.
11. **Podrška za zasnivanje zasada koštičavog, jabučastog i jezgrastog voća** – Podržava se zasnivanje novih intenzivnih zasada voća (jabuka, kruška, šljiva, trešnja, višnja, dunja, kajsija, breskva, okalemljeni orah i lijeska), na površini od 0,2 ha– 1,0 ha. Iznos podrške je do 600 KM/0,1 ha za pravna lica i obrte a iznos podrške za fizička lica iznosi do 400 KM/ha u zavisnosti od broja prispjelih zahtjeva, ukoliko su ispunjeni i drugi kriteriji koji će biti propisani Uputstvom  
Cilj: zadržati dostignuti nivo podignutih zasada i intenzivirati podizanje novih zasada sorti jabuka, kruška, šljiva, trešnja, višnja, dunja, kajsija, breskva, okalemljeni orah i lijeska.

### A/3 Organska proizvodnja

12. **Podrška za registrovanu organsku poljoprivrednu proizvodnju** – Podržavaju se organski proizvođači u oblasti biljne i animalne proizvodnje koji su registrovani kao obrti sa osnovnom djelatnošću prema Zakonu o obrtu i srodnim djelatnostima. Pravo na podršku mogu ostvariti samo proizvođači koji imaju certifikat za organsku poljoprivrednu proizvodnju, ukoliko su ispunjeni i drugi kriteriji koji će biti propisani Uputstvom. Iznos podrške je 1.000,00 KM po registrovanom obrtu.  
Cilj: zadržati dostignuti nivo organske proizvodnje.

### B/ MODEL POTICAJA OTKUPLJIVAČIMA/PRERAĐIVAČIMA

13. **Podrška otkuplivačima/prerađivačima mlijeka sa područja Zeničko-dobojskog kantona** – Podržavaju se otkuplivači/prerađivači mlijeka za otkup svježeg mlijeka sa područja Kantona sa 0,02 KM po litru, za onu količinu mlijeka temeljem koje su prema kriterijima Federalnog ministarstva poljoprivrede, vodoprivrede i šumarstva njihovi kooperanti ostvarili novčanu podršku za period od prvog do trećeg kvartala tekuće godine, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo otkupa i prerade.
14. **Podrška otkuplivačima/prerađivačima pilećeg mesa** – Podržavaju se registrovani otkuplivači/prerađivači brojlerskog mesa sa 0,10 KM/kg, za otkupljenu količinu od kooperanata sa kojima imaju sklopljene ugovore o proizvodnji brojlera. Maksimalan iznos po jednom subjektu je 25.000,00 KM, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo otkupa i prerade.

- 15. Podrška otkupljivačima svježeg povrća i voća** – Podržavaju se registrovani otkupljivači svježeg povrća i registrovani otkupljivači svježeg voća (izuzev jagodičastog voća) sa 0,04 KM/kg koji od proizvođača sa područja Zeničko-dobojskog kantona sa kojima imaju zaključene ugovore o proizvodnji, otkupe voće i povrće. Maksimalan iznos podrške po jednom subjektu iznosi 10.000,00 KM, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo otkupa i ostvariti plasman proizvoda na domaćem i inostranom tržištu.
- 16. Podrška registrovanim otkupljivačima ljekovitog bilja** – Podržavaju se registrovani otkupljivači ljekovitog bilja sa 0,20 KM/kg koji od proizvođača sa područja Zeničko-dobojskog kantona sa kojima imaju sklopljene ugovore o otkupu, otkupe ljekovito bilje. Maksimalan iznos podrške po jednom subjektu iznosi 10.000,00 KM, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo otkupa i osigurati plasman proizvoda na domaćem i inostranom tržištu.
- 17. Podrška registrovanim organizatorima otkupa jagodičastog voća** – Podržavaju se pravna lica koja sa proizvođačima jagodičastog voća sa područja Zeničko-dobojskog kantona imaju zaključene ugovore o otkupu jagodičastog voća. Iznos podrške je do 0,05 KM/kg ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo otkupa i osigurati plasman proizvoda na domaćem i inostranom tržištu.
- 18. Podrška otkupljivačima, bobičastog voća i nekultivisanih gljiva** – Podržavaju se registrovani otkupljivači bobičastog voća i nekultivisanih gljiva i gljiva u uzgoju – izvozno orjentisanih sa 0,30 KM/kg koji su otkupili nekultivisane šumske plodove, bobičasto voće i nekultivisane gljive i iste prodaju, te ispunjavaju i druge kriterije koji će biti propisani Uputstvom. Maksimalan iznos podrške po jednom subjektu iznosi do 10.000,00 KM, ukoliko su ispunjeni i drugi kriteriji koji će biti propisani Uputstvom.  
Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

#### C/ MODEL KAPITALNIH ULAGANJA

- 19. Podrška za nabavku mehanizacije za poljoprivredu** – Podržava se nabavka nove mehanizacije za poljoprivredu u iznosu do 30% vrijednosti za nabavku poljoprivredne mehanizacije, priključaka za mehanizaciju i druge opreme, za proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima, te da su ispunjeni i drugi kriteriji koji će biti propisani Uputstvom.  
Cilj: obnavljanje mašinskog parka kod registrovanih poljoprivrednih proizvođača i uvođenje novih tehnologija u obradi i sjetvi.
- 20. Podrška za nabavku plastenika** – Podržava se nabavka novih plastenika sa 10,00 KM/m<sup>2</sup> minimalne površine 200 m<sup>2</sup>. Podržava se nabavka novih plastenika za poljoprivredne proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima, te da su ispunjeni i drugi kriteriji koji će biti propisani Uputstvom.  
Cilj: povećati proizvodne površine u zaštićenom prostoru.



- 21. Podrška za nabavku protivgradne mreže** – Podržava se nabavka nove protivgradne mreže za intenzivne zasade voća - visokostablašica (jabučasto, koštičavo i jezgrasto voće) u iznosu do 30% vrijednosti od utrošenih sredstava za fizička i pravna lica koja imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima.

Minimalna površina zasada u rodu je 0,3 ha. Maksimalan iznos podrške po jednom subjektu iznosi do 10.000,00 KM, ukoliko su ispunjeni i drugi kriteriji koji će biti propisani Uputstvom.

Cilj: Sačuvati, zaštititi proizvodnju i postojeći nivo podizanja intezivnih zasada visokostablašica.

#### **D/ MODEL OSTALIH VRSTA PODRŠKI**

- 22. Podrška projektima iz oblasti pčelarstva** – Podržavaju se pčelari koji imaju registrovanu pčelarsku proizvodnju kao osnovnu djelatnost registrovanu po Zakonu o obrtu i srodnim djelatnostima i pravna lica, sa iznosom do 2.000,00 KM. Podržavaju se udruženja pčelara Zeničko-dobojskog kantona i Savez pčelara Zeničko-dobojskog kantona za kandidovane projekte u pčelarstvu iznosom do 2.000,00 KM po projektu. Pravo na podršku imaju udruženja koja su registrovana prije 31.12.2020. godine, te da su ispunjeni i drugi kriteriji koji će biti propisani Uputstvom. Uputstvom će se detaljnije propisati način izvještavanja korisnika sredstava u pogledu roka dostavljanja izvještaja i tražene dokumentacije uz izvještaj.

Cilj: ojačati rad udruženja kroz učlanjivanje što većeg broja članova, stimulirati proizvodnju meda u skladu sa važećom regulativom.

- 23. Finansiranje sajмова i izložbi u 2021. godini** – Podržava se organizacija i održavanje izložbenih sajmovskih manifestacija i izlaganje životinja i poljoprivrednih proizvoda. Uputstvom će se detaljnije propisati način izvještavanja korisnika sredstava u pogledu roka dostavljanja izvještaja i tražene dokumentacije uz izvještaj.

Cilj: promovisati domaću poljoprivrednu proizvodnju, ostvariti nova saznanja i unaprijediti proizvodnju. Iznos: 15.000 KM

- 24. Nerealizovani zahtjevi iz prethodnog perioda i pomoć u posebnim okolnostima** -

Nerealizovani zahtjevi iz Programa novčanih podrški iz ranijih godina, a za koje zbog određenih administrativnih poteškoća nije isplaćena novčana podrška ili kada je proizvođač ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku, ista će se realizovati u skladu sa raspoloživim sredstvima u 2021. godini. Sredstva pomoći, kao specifični zahtjevi određenih ustanova, udruženja i organizacija, a koja se odnose na rad, edukativne projekte, aktivnosti razvoja i unapređenja novih modernih tehnologija u poljoprivrednoj proizvodnji će biti odobravani u skladu sa raspoloživim sredstvima za ove namjene, nakon provedene procedure koja uključuje procjenu vrijednosti i proceduru ostvarivanja prava na naknadu. Sredstva će odobravati Vlada posebnom odlukom/zaključkom, na prijedlog Ministarstva. Iznos: 50.000 KM

Cilj: realizovati osnovana potraživanja koja su izostala zbog određenih poteškoća, pomoć subjektima koji se bave poljoprivrednom proizvodnjom.

## III VISINA I RASPODJELA SREDSTAVA

Sredstva odobrena Budžetom Zeničko-dobojskog kantona za 2021. godinu iznose 3.000.000,00 KM i raspodijeliće se u skladu sa ovim Programom na slijedeće oblasti:

Tabela 1. Raspodjela sredstava po oblastima i vrstama poljoprivredne proizvodnje za 2021. godinu

	Vrsta proizvodnje	Iznos poticaja izražen po jedinici mjere	Procjena iznosa potrebnih sredstava u (KM)
<b>A/</b>	<b>MODEL POTICAJA PROIZVODNJI</b>		
<b>A/1</b>	<b>ANIMALNA PROIZVODNJA</b>		
1.	Podrška za uzgoj brojlera	do 0,08 KM/brojleru	400.000,00
2.	Podrška za držanje koka nosilja	1,00 KM/nosilji	60.000,00
3.	Podrška za registrovane farme goveda	do 400,00 KM/muznom grlu	700.000,00
4.	Podrška za registrovanu ovčarsku ili kozarsku proizvodnju	do 3.000,00 KM/obrt	69.000,00
5.	Podrška za registrovanu svinjogojsku proizvodnju	2.000,00 KM/obrt	8.000,00
6.	Podrška za registrovani uzgoj izvornih i zaštićenih pasmina životinja	1.500,00 KM/obrt	8.000,00
<b>UKUPNO:</b>			<b>1.245.000,00</b>
<b>A/2</b>	<b>BILJNA PROIZVODNJA</b>		
7.	Podrška za poljoprivrednu proizvodnju u plastenicima i staklenicima	do 5,00 KM/m <sup>2</sup>	500.000,00
8.	Podrška za proizvodnju maline, kupine (konvencionalna proizvodnja) i jagode proizvedene po principima organske proiz.	do 0,30 KM/kg fizička lica 0,40 KM/kg obrti, pravna lica	540.000,00
9.	Podrška za proizvodnju krastavca-kornišona	do 0,10 KM/kg za fizička lica 0,40 KM/kg za obrte	40.000,00
10.	Podrška za zasnivanje novih zasada jagodičastog voća (od 1 dunuma i više)	do 600,00 KM/0,1 ha obrti 400,00 KM/0,1 ha fizička lica	20.000,00
11.	Podrška za zasnivanje zasada koštičavog, jabučastog i jezgrastog voća (0,2-1,0 ha)	do 600,00 KM/0,1ha obrti do 400,00/0,1 ha fizička lica	15.000,00
<b>UKUPNO:</b>			<b>1.115.000,00</b>
<b>A/3</b>	<b>ORGANSKA PROIZVODNJA</b>		
12.	Podrška za registrovanu organsku poljoprivrednu proizvodnju	1.000,00 KM/obrtu	10.000,00
<b>UKUPNO:</b>			<b>10.000,00</b>
<b>B/</b>	<b>MODEL POTICAJA PRERAĐIVAČIMA I OTKUPLJIVAČIMA</b>		
13.	Podrška otkupljivačima/prerađivačima mlijeka	0,02 KM/litru	210.000,00
14.	Podrška otkupljivačima/prerađivačima pilećeg mesa	0,10 KM/kg	50.000,00
15.	Podrška otkupljivačima svježeg voća i povrća (izuzev jagodičastog voća)	0,04 KM/kg	25.000,00
16.	Podrška registrovanim otkupljivačima ljekovitog bilja	0,20 KM/kg	10.000,00

Ministarstvo za poljoprivredu, šumarstvo i vodoprivredu

17.	Podrška registrovanim organizatorima otkupa jagodičastog voća	do 0,05 KM/kg	65.000,00
18.	Podrška otkuplivačima bobičastog voća i nekultivisanih gljiva	do 0,30 KM/kg	30.000,00
<b>UKUPNO:</b>			<b>390.000,00</b>
<b>C/</b>	<b>MODEL KAPITALNIH ULAGANJA</b>		
19.	Podrška za nabavku mehanizacije za poljoprivredu	do 30% vrijednosti	40.000,00
20.	Podrška za nabavku plastenika (minimalne površine 200 m <sup>2</sup> )	10,00 KM/ m <sup>2</sup>	80.000,00
21.	Podrška za nabavku protivgradne mreže	do 30% vrijednosti	30.000,00
<b>UKUPNO:</b>			<b>150.000,00</b>
<b>D/</b>	<b>MODEL OSTALIH VRSTA PODRŠKI</b>		
21.	Podrška projektima iz oblasti pčelarstva	2.000,00 KM/obrt do 2.000,00 KM/projekt	25.000,00
22.	Finansiranje sajмова i izložbi u 2021. godini		15.000,00
24.	Nerealizovani zahtjevi iz prethodnog perioda i pomoć u posebnim okolnostima		50.000,00
<b>UKUPNO:</b>			<b>90.000,00</b>
<b>UKUPNO (A+B+C+D)</b>			<b>3.000.000,00</b>

*Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jednog poticaja u drugi. (Ovisno o broju zahtjeva, očekuje se prelijevanje sredstava).*

#### IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak, potrebna dokumentacija, obrasci i drugi relevantni podaci. Korisnici koji apliciraju na pojedine podrške podnose propisanu dokumentaciju za ostvarivanje podrški nadležnom općinskom organu, a općinski organ kompletiranu dokumentaciju prosljeđuje na protokol Kantona, ukoliko nije drugačije propisano Uputstvom. Izuzetno, ako je to u interesu korisnika, zahtjev za ostvarivanje podrške u poljoprivredi može se dostaviti poštom ili direktnom predajom na protokol Kantona. Daljnji postupak se provodi u skladu sa Procedurom za ostvarivanje prava na kantonalne novčane podrške u primarnoj poljoprivrednoj proizvodnji ZE-DO-PR-024, utvrđenom u standardu EN ISO 9001:2015.

#### V IZVORI SREDSTAVA


Izvor sredstava za realizaciju Programa je Budžet Zeničko-dobojskog kantona za 2021. godinu ("Službene novine Zeničko-dobojskog kantona", broj: 7/21), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 utvrđen iznos od 3.000.000,00 KM.

Utvrđen iznos realizovaće se u skladu sa prilivom sredstava u Budžetu, a na bazi mjesečnih operativnih planova.

## VI KORISNICI SREDSTAVA

Korisnici sredstava su fizička lica, obrti i pravna lica koja ispunjavaju propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednika, otkupljivači i prerađivači prehrambenih proizvoda).

Broj: 02- 11 8604 /21  
Datum, 16.06.2021. godine  
Zenica



### DOSTAVLJENO:

1x Ministarstvu za poljoprivredu, šumarstvo i vodoprivredu,  
1x Ministarstvu finansija,  
1x a/a.